

Comataidh Sgrùdaidh & Dearbhaidh

10/11/21, 1000-1300

Teams

Dreach geàrr-chunntas

Bòrd: Iain Mac a’ Mhaoilein (sa Chathair) Donaidh MacAmhlaidh
 Marion Nic na Ceàrdaich Ceit-Anna NicLeòid
 Ailean Dòmhnallach (mar Neach-amhairc)

Luchd-obrach: Dòmhnall Caimbeul [DC] (Àrd-Oifigear)
 Rachel NicChoinnich [RMK] (Stiùiriche Ionmhais)
 Nevil Lee [NL] (Comhairleachaidh Ionmhais) – airson puingeon 1-5, 10 agus 11
 Donaidh Dòmhnallach [DMD] (Manaidsear Gnìomhachais) – airson puing 6
 Uisdean MacLeòid [UM] (Manaidsear Obrachaidh (Teicneòlas) – airson puing 8
 Mairi Anna NicAonghais [MAMI] (a’ sgrìobhadh geàrr-chunntas)

Chaidh fàilte a chuir air Stiùiriche Ionmhais ùr na buidhne chun chiad choinneamh aice.

1. Leisgeulan

1.1 Rhoda NicDhòmhnail.

2. Gnothaichean Dearbhte

2.1 Cha robh gin.

3. Geàrr-chunntas na coinneimh mu dheireadh (15/9/21)

3.1 Molaichte le Marion Nic na Ceàrdaich agus daingichte le Ceit-Anna NicLeòid.

4. Gnothaichean ag èirigh

4.1 Comharraichte.

4.2 Chaidh a dhaingneachadh nach robhas fhathast air coinneamh a ghlèidheadh le Rùnaire a’
Chaibineit ach gun tèid seo a thoirt air adhart ann an còmhraidhean leatha co-cheangailte ri
Lèirsinn ùr na buidhne.

4.3 Chaidh a dhaingneachadh gum bi an Roinn Ionmhais fhathast gann gu toiseachd na bliadhna ach san eadar-ama, gun deach NL fhastadh airson seirbhisean comhairle ionmhais.

5. Pasgan Cunntasachd Q2 2021-22

5.1 Bha Pasgan Cunntasachd na ràithe seo air beulaibh bhall agus rinn RMK iomradh.

5.2 Le iomradh sa phasgan gu robh argamaid làidir ann gu feumadh buidseat na h-ath bhliadhna ath-thogail a dhèanamh air cùl-stòran (reserves) na buidhne chaidh deasbad a chumail.

5.3 Chaidh aontachadh gur e am prìomh rud gu robh poileasaidh aig a' bhuidheann agus gum biodh e iomchaidh seo a dhèanamh mar phàirt de dh'ullachadh buidseit na h-ath bhliadhna.

5.4 Chaidh a chomharrachadh nach robh uallach sònraichte air a bhuileachadh air a' bhuidheann cùl-stòran a bhith aca agus gu robh e an urra ris a' bhuidheann a thaobh feumalachdan gnìomhachais ach gu robh e na mhodh-obrach chiallach gum biodh leithid aig a' bhuidheann.

5.5 Chaidh a dhaingneachadh gur ann air MG ALBA a bha uallach a' tuiteam airson obair càraidh ri linn an seòrsa lios a bh' aig a' bhuidheann leis an uachdaran.

5.6 Ann an co-theacsa buidseatadh, chaidh moladh gum biodh deasbad air a chumail air na suimean a bhathas a' cur gu taobh airson margaidheachd.

5.7 **Co-dhùnadh:** thèid poileasaidh chùl-stòran, a dh'fheumas a bhith sùbailte, ullachadh aig an aon àm ri ullachadh buidseit na h-ath bhliadhna.

5.8 **Gnìomh:** le uallach poileasaidh chùl-stòran a dhealbhadh a' suidhe leis an Sgioba Àrd-stiùiridh, thèid deasbad a chumail leis a' Bhòrd an ath-bhliadhna nuair a buidseat 2022/23 fo dheasbad. (RMK)

6. KPIs/Dashboard

6.1 Bha pàipear agus KPIs/Dashboard air beulaibh bhall agus bhruidhinn DMD mun phàipear.

6.2 Chaidh meal-a-naidheachd a bhuileachadh air an sgioba ri linn 's gu robh iad comasach na h-àireamhan dèanadais a chumail aig ìre àrd tro bhliadhna a bha air leth dùbhlach agus gu robh seo a' sealltainn an obair chruaidh a bha luchd-obrach a' dèanamh.

6.3 Bha faireachdainn ann gu robh cothrom ann cuid de na sgeulachdan misneachail seo innse dhan phoball.

6.4 **Co-dhùnadh:** bha buill riarachaidh.

6.5 **Gnìomh:** 1) thèid coimhead ri KPIan 2022/23 aig coinneamh Bùird san Fhaoilleach 2022 taobh a staigh a' Phlana Obrachaidh 22/23, le sùil gum biodh iad air an taisbeanadh mar chuspairean stèidhichte air an Lèirsinn 2022-27 agus gum biodh iad a' gabhail a-steach KPI

uaine/so-sheasmhachd agus 2) bho seo a-mach thèid figearan coimeis a chuir bliadhna air bliadhna far a bheil an co-theacsa ga iarraidh. (DMD)

7. Aithisg Sgrùdaidh in-thaigh (Solarachadh)

7.1 Chaidh innse gun d' fhuairas dreachd aithisg anmoch air 9/11/21 ach nach robh ùine aig an Sgioba Àrd-stiùiridh beachdachadh air gu h-ìomchaidh.

7.2 **Co-dhùnadh:** bha buill riarachtaiche gun lean obair an Sgioba Àrd-stiùiridh air freagairt a chuir ri molaidhean na h-aithisg.

7.3 **Gnìomh:** 1) thig obair Azets gu crìoch agus 2) thig an aithisg, le freagairtean agus gnìomhan, chun Chomataidh aig an ath choinneamh. (RMK)

8. Clàr nan Riosgan

Clàr Covid-19

8.1 Thug UM iomradh air suidheachadh Covid na buidhne, ag innse ri linn Covid air neach-obrach agus uallachaidhean libhrigidh na Nollaig gu robh oifis Steòrnabhaigh dùinte gu dìreach luchd-obrach èiginneach agus gun deach innse don luchd-obrach gum biodh iad ag obair bhon taigh bhon Dàmhair chun Dùbhlachd 2021.

8.2 **Co-dhùnadh:** bha buill riarachtaiche.

Clàr nan Riosgan

8.3 Bhruidhinn RMK mun phàipear, a' mìneachadh adhartas le cuid de na riosgan agus b' e na prìomh phuingean deasbaid:

8.4 #1 – thèid seo a thoirt a-mach oir tha e na dhùblachadh de riosg eile.

8.5 #4 – chaidh a dhaingneachadh gum bi Dìon Saidhbear air clàr na Comataidh sa Ghearran 2022.

8.6 #8 – chaidh innse gu bheil còmhraidhean a' leantainn le NLS agus gun deach aonta a ruighinn obraichean fhadthairis gus an iomairt seo a ghluasad air adhart.

8.7 #14 – chaidh iarraidh air an Sgioba Àrd-stiùiridh briathran nas soilleire a chuir mu choinneimh na gnìomhan a bhathas a' moladh.

8.8 #15 – chaidh iarraidh prìomhachas shoilleir a thoirt don riosg seo mar aon de na prìomh chuspairean airson aire a' bhùird agus gum bi sin air fhaicinn gu soilleir air an duilleag.

8.9 Bha aithneachadh ann gu robh na riosgan as motha a bha bho dheasbad gu h-ìomlan co-cheangailte ri ceistean seasmhachd na buidhne, maoinachadh agus seasamh reachdail nam

meadhanan Gàidhlig agus gur iad sin prìomh chuspairean a bu chòir a bhith fo dheasbad aig ìre Bhùird.

8.10 **Co-dhùnadh:** bha buill riarachtaichte.

8.11 **Gnìomhan:** 1) thèid na h-atharraichean gu h-àrd an cuir an cèill mus tèid pàipear air beulaibh a' Bhùird san t-Samhain. (RMK)

9. Slàinte is Sàbhailteachd – Aithisg Bhliadhnail 2020/21

9.1 Gach bliadhna, bidh a' Chomataidh a' beachdachadh air aithisg bhliadhnail air Slàinte is Sàbhailteachd, agus tha e na uallach reachdail gun tèid an aithisg chun a' Bhùird gus am bi am Bòrd fiosraichte agus comasach leasachaidhean iomchaidh a chur an gnìomh.

9.2 Bhruidhinn RMK mun aithisg bhliadhnail air beulaibh bhall. Bha an aithisg bhliadhnail seo airson a' bhliadhna 1/11/2020 gu 31/10/2021 a' dearbhadh gu bheileas a' coileanadh ar dleastanas a thaobh riaghailtean Health and Safety at Work Act 1974 agus a' dearbhadh gu bheil an àite-obrach sàbhailte agus gu bheil a h-uile cunnart a tha ann air a lùghdachadh mar bu chòir.

B' iad na prìomh phuingeas deasbaid:

9.3 Sàbhailteachd teine – cha robh e comasach Measadh Riosg Teine a chumail gus an deigheadh deuchainn dealain (electrical installation testing) a chumail – rud a bha fo uallach CnES. Tha an dùil seo a chumail tràth ann an 2022 and thèid measadh riosg teine a chumail cho luath 's a ghabhas an dèidh an obair seo.

9.4 Chaidh a chomharrachadh nach eil mòran mu slàint' inntinn san aithisg. Chaidh a ràdh airson aithisg na h-ath bhliadhna gun deigheadh faineas a thoirt don seo agus gum biodh e feumail nam biodh iomradh ga thoirt air an seo ann an aithisgean mìosail Slàinte agus Sàbhailteachd a bhios a' tighinn chun Sgioba Àrd-stiùiridh.

9.5 Chaidh aithneachadh gum biodh buaidh aig atharrachaidhean ann an obrachadh sùbailte agus cùmhnantan obrach air poileasaidh Slàinte & Sàbhailteachd na buidhne agus chaidh aontachadh gum bu chòir am poileasaidh ùrachadh tràth ann an 2022.

9.6 Chaidh cuideachd aithneachadh gu robh am poileasaidh bho thùs air a sgrìobhadh bho thaobh togalach agus gun deach pìosan a chuir ris thairis air na bliadhnaichean. Bhathas a' moladh ath-thòiseachadh a dhèanamh le sùil sa chiad dol a-mach air slàinte dhaonna anns gach suidheachadh obrach.

9.7 Le cead Cathraiche na Comataidh, thuirt Cathraiche a' Bhùird, a bha na neach-amhairc aig a' choinneamh, gum b' fhiach coimhead san fharsaingeachd air na structaran a bh' aig a'

bhuidheann airson a bhith a' làimhseachadh cùisean post-Covid, me, sgilean, tàlant agus airgead. Bha aithne ann gun cuideachadh am pròiseas buidseit, a tha air tòiseachadh, le seo.

9.8 **Co-dhùnadh:** bha buill riarachaidh leis an Aithisg Slàinte & Sàbhailteachd.

9.9 **Gnìomh:** 1) thèid an aithisg Slàinte & Sàbhailteachd air beulaibh a' Bhùird aig coinneamh na Samhna airson aonta agus 2) thig tionndadh ùr de Poileasaidh Slàinte & Sàbhailteachd air beulaibh a' Bhùird sa Mhàirt. (RMK)

10. Buidseat 2021/22 – pròiseas agus clàr-ama

10.1 Bha pàipear air beulaibh bhall a' toirt geàrr-iomradh air mar a bhios Buidseat 2022/23 ga ullachadh. Ged a bha mòran mhì-chinnt ann am-bliadhna, bha dùil gun tig freagairtean tron t-Samhain agus ann am buidseat Riaghaltas na h-Alba air 9/12/21. Bha am pàipear a' moladh gun tig am buidseat, mar Phlana Obrachaidh 2022/23 gu coinneimh shònraichte a' Bhùird air 19/1/22, agus gu Ofcom air no ro an 31/1/22.

10.2 Chaidh còmhradh a chumail mun chlàr-ama a bha air beulaibh bhall agus chaidh aontachadh gu robh e iomchaidh agus nach robh feum air coinneamh eile den Chomataidh ri linn 's gu robh e a' dol air beulaibh a' Bhùird san Fhaoilleach.

10.3 **Co-dhùnadh:** bha buill riarachaidh, le aithne cho cudromach 's a tha e gu bheil glèidheadairean buidseit an lùib a' phròiseas agus atharrachadh cultair a chomasachadh.

10.4 **Gnìomh:** thig seo gu coinneamh shònraichte a' Bhùird air 19/1/22. (RMK)

11. Gèilleadh chisean

11.1 Bha pàipear air beulaibh bhall airson adhbharan dearbhaidh, a' leanntan bhon choinneamh mu dheireadh.

a) VAT

11.2 Chaidh innse gu robhas air fios fhaighinn air 9/11/21 bhon neach-comhairleachaidh gu bheileas a' gèilleadh gu h-iomlan.

b) PAYE

11.3 Chaidh innse gun d' fhuireas daingneachadh bhon bhuidheann-comhairleachaidh gu bheil cuid de sheirbheisean a tha am buidheann a' glèidheadh a' tuiteam fo riaghailtean HMRC a tha a' ciallachadh gu feum PAYE agus NIC a phàigheadh.

11.4 Leanaidh obair gus an t-suidheachadh seo a mhìneachadh dhaibhsan air an toirt e buaidh agus thèid a rèiteachadh le HMRC.

c) Cìs Corporaid

- 11.5 A' leantainn fiosrachadh bho bhuidheann-comhairleachaidh, chaidh a dhaingneachadh gu bheil aithris chisean chorporra na buidhne airson na sia bliadhna a dh'fhalbh gann. Cha robh iad a' toirt a-steach teachd-a-steach no cosgaisean co-cheangailte ri gnìomhan malairteach.
- 11.6 **Co-dhùnadh:** thèid an tuilleadh obrach a dhèanamh gus dearbhadh a bheil cosgais cìs chorporra gu bhith a' tuiteam air a' bhuidheann.
- 11.7 **Gnìomh:** 1) cumar còmhraidhean le HMRC gus cùisean PAYE, NIC agus Cìs Corporaid a thoirt gu buil agus 2) leis mar a bha am fiosrachadh a' sealltainn an call mòr ionmhasail a bhathas a' fulang le cosgaisean às-mhàlaidh (rentals) thèid coimhead air roghainnean a dhealbhadh gus an t-suidheachadh seo a dhèanamh nas èifeachdaich.
- d) Seirbheisean (Utilities)
- 11.8 Thathas a' feuchainn fhathast faighinn gu bun cò tha a' pàigheadh airson gas ann an Nos. 54 & 56 Rathad Shìphoirt ann an còmhraidhean le British Gas agus CnES.
- 11.9 **Co-dhùnadh:** bha buill riarachta
- 11.10 **Gnìomh:** leanaidh còmhraidhean gus an t-suidheachadh a rèiteachadh.

16. GISBE

- 16.1 Thèid Lèirsinn na buidhne fhoillseachadh an-diugh.

17. Deit na h-ath choinneimh – tbc ach 's docha 23/2/22

Ainm sgrìobhte a' chathraiche:

Deit: